

Broj: 01-01.3-6002/19 S.L.

Datum: 31.12.2019. godine

Na osnovu člana 18. stav (1) i člana 24. stav (1) tačka a) Zakona o javnim nabavkama („Službeni glasnik BiH“, broj: 39/14), člana 2. Pravilnika o javnim nabavkama JP Autoceste Federacije BiH d.o.o. Mostar br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi:

### ODLUKU o pokretanju postupka nabavke

1. Za potrebe ugovornog organa JP Autoceste FBiH d.o.o. Mostar pokreće se postupak javne nabavke za izvođenje radova: „Dodatni radovi na sanaciji klizišta na lokalitetu Treševine“ putem pregovaračkog postupka bez objave obavještenja, sa kriterijem „najniža cijena“.
2. Procijenjena vrijednost nabavke iznosi: 90.000,00 KM bez uračunatog PDV-a.
3. Sredstva za ovu namjenu utvrđena su u skladu sa Planom poslovanja JP Autoceste FBiH d.o.o. Mostar za 2019. godinu – redni broj iz Plana javnih nabavki: 260 (Odluka o Dopuni Plana nabavki za 2019. godinu broj: 01-5999-5/19 od 30.12.2019. godine);
4. Pregovarački postupak bez objave obavještenja o nabavci će se voditi sa 1 (jednim) privrednim subjektom – EURO-ASFALT d.o.o. Sarajevo, s kojim je zaključen osnovni ugovor „Radovi na sanaciji klizišta na lokalitetu Treševine“ ref JPAC 1122-B107-19, te će istom biti dostavljen Poziv za dostavu zahtjeva za učešće i inicijalne ponude.
5. Služba za javne nabavke će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja, u skladu sa odredbama Zakona.
6. Provođenje predmetne nabavke će izvršiti Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).
7. Komisija za nabavke izvršiće pregled zahtjeva za učešće, otvaranje ponuda, provesti pregovore, pregledati i ocjeniti ponude, te dati preporuku direktoru za donošenje odluke o izboru najpovoljnijeg ponuđača ili odluke o poništenju postupka.
8. Ova Odluka stupa na snagu danom donošenja.

### Obrazloženje

Nakon potpisivanja ugovora za izvođenje radova „Radovi na sanaciji klizišta na lokalitetu Treševine“, izvođač radova je formalno uveden u posao 21.8.2019. godine. Rok za izvođenje radova je 120 dana, odnosno do 18.12.2019. godine. Vrijednost potpisanog ugovora iznosi 989.382,28 KM s uključenim PDV-om.

Obzirom da je postojao vremenski odmak od izrade projektne dokumentacije do početka izvođenja radova, na terenu je došlo do dodatnih pomjeranja terena što je stvorilo razlike u količinama radova koji su predviđeni projektom i ugovorom sa realnim stanjem na terenu.



Pored ostalih, razlike se najvećim djelom očituju u neophodno potrebnom iskopu i odvozu pokrenutog materijala i ugradnjom kamenog nasipa kako bi se spriječilo dalje klizanje terena, širenje na privatne posjede, te ugrožavanje privatnih objekata. Sredstva koja su u ugovoru rezervirana za nepredviđene radove nisu dovoljna za izvođenje svih neophodno potrebnih radova.

Prema članu 24. stav (1) tačka a) Zakona o javnim nabavkama („Službeni glasnik“ broj 39/14 – u daljem tekstu Zakon) ugovor o javnoj nabavci radova može se zaključiti u pregovaračkom postupku bez objave obavještenja: „u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.“

Na osnovu gore navedenog ispunjeni su posebni uvjeti za primjenu pregovaračkog postupka bez objave obavještenja za nabavku predmetnih radova „Dodatni radovi na sanaciji klizišta na lokalitetu Treševine“.

Shodno naprijed navedenom, ugovorni organ se odlučio na provođenje pregovaračkog postupka bez objave obavještenja, na osnovu člana 24. stav (1) tačka a) Zakona.

Na učešće u pregovaračkom postupku bez objave obavještenja o nabavci za izvođenje radova: „Dodatni radovi na sanaciji klizišta na lokalitetu Treševine“, biće pozvan privredni subjekt EURO-ASFALT d.o.o. Sarajevo, s kojim je zaključen osnovni ugovor „Radovi na sanaciji klizišta na lokalitetu Treševine“ ref JPAC 1122-B107-19.

Shodno naprijed navedenom odlučeno je kao u dispozitivu ove Odluke.

direktor:

  
Adnan Terzić, dipl.ing.

